

雪
門
詩
草

雪門詩草卷二

悠游集

善化許瑤光雪門甫著

己酉年

詠蘭

半灣流水洗閒雲。鉏盡蓬茅始見君。滿谷奇香沁詩思。
不曾沽酒醉醺醺。空山寂歷起樵謳。黃葉飛飛掃石頭。彈盡猗蘭琴欲訴。
香風搖曳碧天秋。

清明

霏微夜雨過春城。萬柳含煙曉翠生。繞郭遊人自來去。
落花時節正清明。

辰溪龔虹橋來嶽麓書院晤而有贈

張目無時輩。開懷見古人。氣凌三楚地。筆動五溪春。負
笈名山遠。囊詩錦段新。贈余辰石研。相勵琢磨真。

仲春馬雲莊招飲澹園紀贈

澹園在湘城白沙泉之西南。傍水作樓倚山結。閑奇花異卉。甲於長沙雲莊半生經營。悉萃於此。花時招客杯酒不空地。勝主賢不可無詩。

主人愛花兼愛客。朝朝甕打梨花白。散盡黃金買碧山。
招人共枕山間石。去年訪友來山齋。偷盼林花悅心魄。
登樓正值麥秋時。颯颯冷風入窗格。買餅蒸餠飽我饑。
梅雨連天望江碧。那知今歲更殷勤。爲我春前展花席。
風姑含露尚未開。紅杏壓枝低可摘。薄霧濛濛水上綃。
游魚躍浪青萍拆。莫嫌主出歸來遲。好竹當門笑相逆。
竹外東風作意吹。細雨廉纖似疇昔。衝寒強飲山中醅。
一杯乍入顏先赤。欲醉未醉黃昏時。忽聞山歌破幽僻。
我心遂逐歌聲飛。搖蕩春雲滿春澤。年來苦被塵務牽。

絕好韶華笑虛擲。今日煙霞得主盟。芒鞋遂踏蘿關夕。
燭影爐香夜漸深。留人滿徑蒼煙隔。生憎僮僕催我歸。
泥滯城南著紅屐。歸來一枕玉窗前。恍聽白沙泉脉脉。

題麻姑采花圖

滄海東頭看種桑。採花且自下龍荒。爲因誤飲長生酒。
蟬鬢而今尚未霜。

夜泊銅官渚

朝發長沙城。暮泊銅官渚。野火照山紅。樵子隔煙語。小
市富魚鰕。沽酒舟中煮。殘月猶未升。蒼茫失煙嶼。地接

洞。庭。寬。波。瀾。夜。來。巨。

朝發白魚磯

篙師解纜行殘夢。醒波裏攬衣船頭立。朝霞射衣紫。戢戢萬漁舟。點破一江水。風遲舉網輕。浪靜得魚喜。心事託滄波。升沈復何恃。而我爲浮名。碌碌辭鄉里。前路未可知。且攬湖山美。伊誰勸我閒。白鷺沙邊峙。

北風大作暮泊洞庭湖心

不涉波濤險。安知作客難。驚風吹水立。徹夜閃燈寒。岸闊蛟龍肆。檣欹雨雪攢。撫牀眠不穩。那敢夢長安。

守風鹿角同友人作

風捲狂濤入洞庭。難憑瑤瑟問湘靈。丹楓更落漁家出。
斑竹如招畫舫停。帝渚寒衝雙鷺白。君山雲擁一螺青。
蛟龍莫漫留詩客。同下巴陵醉綠醅。

登岳陽樓

昨日蕩舟重湖裏。北風怒吼瀾翻紫。今日來登岳陽樓。
朝光盪漾煙霾收。碧波萬頃射初日。紅霞倒映涵漁舟。
數點青蒼遠莫辨。吳山楚山隨波浮。試登樓頂望京邑。
長江浩浩雲悠悠。仙人鐵笛杳何許。樓東一枝仙梅樹。

我來正值嚴冬時。梅樹作花破寒霧。繞樓凍柳不堪折。
折梅且步青雲去。羽客烹茶勸我留。榜人催迫情難住。
湖光如此不旬留。好景終應笑虛度。歸舟回首望雲中。
一行征雁東陵東。縹緲危闌望不見。但見翠靄摩青空。
庚戌年

元日題觀城旅舍

半生鄉國度年華。今日停驂賣酒家。但把屠蘇沽一醉。
不知身是在天涯。香驄小住近青齊。相見何人指路迷。惟有春風能識我。

梅花招過小橋西。

黃塵撲撲挂吟鞭。埽榻徐牽襪被眠。客邸不曾占歷日。數聲爆竹是新年。

金臺北望路非遙。旅館何須悵寂寥。料得帝城春色早。燈花紅裏過元宵。

渡河

南方未慣北方身。却渡長河寄畫輪。辛苦至今嘗旅況。英雄自昔少閒人。雞催殘月天難曙。馬踏層冰地不塵。何事乘槎問雲漢。黃沙一片已迷津。

在平旅舍

銀甲檀槽火鳳絃。鴉雛綠髻貼花鈿。勸君莫把紅綃惜。
今日相逢正少年。

日暮

日暮行程急。輿夫緊著鞭。花驄不解事。沿路戀清泉。

都門雜紀

浮○湘○截○漢○渡○黃○河○。春○到○皇○州○氣○色○多○。碣○石○曉○雲○開○鳳○闕○。
西○山○霽○雪○照○鸞○坡○。國○喪○過○密○梨○園○曲○。軍○政○遙○傳○桂○海○。
波○二○百○餘○年○光○化○日○。蚩○尤○休○挺○逆○天○戈○。

雪門詩草

卷二

悠游集

昨來災兆正陽門。玉儿驚傳。顧命尊。金匱雖緘留。

寢廟。龍衣豫錫定乾坤。蒼黎愛重。戎兵偃宮苑涼多。

殿閣溫精益求精。神聖德。熊湘下士泣重闈。呂堯仙太史擬

祭奠文有精益求精聖不自聖語大蒙上賞

保和玉殿御爐香。攜卷東隅受夕陽。衣潤輕紗沾曉露。

詩吟五字翦秋光。皇天恩重西湖許。師友情多東海。

長珍重。贈言銘肺腑。吳中紉綺水雲鄉。朝考詩題乃秋光先到野人家

出都無資賴梁矩亭師黃黼卿膳卿陳岱雲太史力乃成行

兩湖賓舍虎坊橋。餞別涼秋退晚朝。桑梓新修師弟禮。

楸楠敢負館材翹。經筵上疏陳丹雘。薦牘焚香捧碧霄。私喜龍門瞻道範。醉歸宵逐綵雲飄。

曾文正師時任少宗伯上經筵疏并

特薦王慶雲江忠源諸人

將離上界倍縈懷。命駕聊瞻龍爪槐。七月荷花猶石海。千年喬木自金臺。松筠有寺忠祠訪。萬柳圍堂別墅開。惟有玉泉瓊島秘。未游他日待重來。

三京六外一儒官。吳蜀燕齊道路寬。無分倉儲分祿米。頗輸苜蓿作親盤。南行遵海求秦駐。東去看潮弔宋端。倘把湖山誇宦境。仁皇純廟舊鳴鑾。

同年陳久臣涂心如廊廡

青俱京秩賀儀仲楊樹屏分直隸梁昆甫
山東何紹春熊曙初四川歐陽春垣教職

擬過青岱聖賢關瞻仰文宣日月顏路入淮揚橫鐵柱

波分江海鎖金山同行塞雁青天迥迎我吳蟬白露閑

更有故交黃叔度蘇臺訪古詎辭艱時長沙黃鹿溪宰吳縣

躊躇伴挈浙同年範駕初途賴驥前匪獨關河資引掖

即詢風土亦先鞭新霜正熟金華棗秋雨應添虎跑泉

從此天台和雁宕好將清俸當游錢同行者東陽龔潤山湯溪祝梧岡富

陽孫芋香
諸同年

東阿道中

青溪碧嶂鎖烟蘿。曲徑斜通小石多。棗顆垂紅梨綴綠。
一鞭殘照出東阿。

車中曉懷

駿馬爲誰忙。西風踏早霜。天連沙路白。霧逼柳條黃。
鄉思長河隔。秋心曉日涼。高堂應記念。遊子薄衣裳。

夜泊淮浦

白雲橫天空。秋露下如雨。條條涼風生。甓湖蘆花舞。
推篷見漁燈。舉酒聽戍鼓。明月近揚州。欲與問今古。

高郵道中

黃河回望白雲飛。巖社湖清秋浪微。樹隱露祠迷過客。
草連螢苑易斜暉。一江紅葉雁初下。兩岸蘆花鱉正肥。
莫道來游春去久。繞陂煙雨尚霏霏。

游金山寺

金山秋高照海天。我來剛值重陽前。江平風靜片帆喜。
紅樹招人登塔巔。浮雲不障遊子目。天清水碧渾無邊。
南徐北固咫尺耳。東焦料與蓬瀛連。乘風破浪世誰有。
往來但見番賈船。憶昔英夷犯邊順。茲山盤踞然烽煙。
樓觀碑亭屹無恙。豈有阿護勞金仙。山僧引余指階下。

祇一鐵鑊言夷遷。雲濤萬里載。竟去夷情詭。倣難追緣。
颯颯西風吹綠髻。使我長懷韓蘄賢。古事今情杳無極。
登高望遠殊遷延。況復秋濤勢正殺。不愁波浪迷歸年。
時清境勝腰脚健。救腹且飲中冷泉。安能對此誓江水。
欲歸不得愁無用。

閨門紀事

金閨簫管喚雲開。小泊紅妝結束來。細雨重陽秋夜永。
勸人酣飲菊花杯。

到杭州

黃○花○驛○路○過○重○陽○橋○鎖○清○波○故○故○長○水○陸○三○千○京○國○遠○
秋○風○細○雨○到○錢○塘○

錢塘雜感

髯○蘇○何○事○海○邊○游○薄○宦○心○情○易○感○秋○懶○把○香○襟○賒○酒○債○
更○無○銀○弩○壓○潮○頭○衣○冠○南○渡○浮○雲○在○歌○舞○西○湖○夜○月○休○
滿○地○荷○花○是○誰○主○不○妨○暫○買○小○杭○州○
日○近○黃○妃○塔○易○斜○冷○吟○閒○醉○倚○殘○霞○無○多○金○碧○迷○春○雨○
絕○好○湖○山○待○翠○華○孤○嶼○與○梅○枝○寒○守○鶴○六○橋○楊○柳○晚○藏○鴉○
行○人○指○點○西○泠○側○蘇○小○當○年○駐○玉○車○

三竺雲山不世情。冷冷萬壑嘯猿聲。巉巖古佛無香火。
洞壁殘詩蝕姓名。聊汲冷泉懷判事。莫憑頑石問三生。
峰頭桂子年年發。落月飄香句且賡。

宇內銷金祇此鍋。魚鹽富庶近如何。堂中易惹蛩聲鬬。
海上難消蜃市多。鐵券千年沈渭水。錦衣故里隔茗河。
燈花五夜隄邊盛。應讓平章賈八哥。

表裏湖山起暮雲。新來菊部不堪聞。秋風薜荔荒于墓。
細雨莓苔濕岳墳。吠犬如聞新府尹。騎驢閒煞故將軍。
忠奸倒置非今始。鴟革浮江早不分。

一自秦皇石繫舟。唐藩宋室倚雄州。拒梁可惜羅橫策。
羅隱一遷汴誰訛呂相謀。一代偏安成憤事。兩朝刺史名橫。幾風流更思玉帛塗山會。漸水何緣貢未收。

皇恩許住是前緣。翠黛琵琶江上船。詩冊句添東浙派。
茶煙火試武林泉。曾懷香草增騷怨。不道殘杯過瘦年。

肥冬瘦年見西湖志辜負昂藏軀七尺。長源欲問老神仙。

太息鳬飛尚早春。阮公墩畔且逡巡。山中遠志羞稱草。
湖上秋風喜食莼。寶相羣教瞻大佛。芳心我欲懇花神。
試登南北峯頭望。祇有瀟湘月照人。

錢江子夜歌

歡愛看潮來。儂愛送潮去。潮去汐還生。約歡待日暮。
問歡年十六。儂亦二八餘。爲諱同年字。佯嬌不應渠。
翦翦青絲髮。心束紅絨端。束久紅已褪。紅褪羞見歡。
玉箸挾珍羞。欲勸還脉脉。不買西湖純。知歡愛菱白。
歡醉翻玉杯。污儂蘋綠襖。東浦女兒醅。味是陳陳好。
贈儂金條脫。代儂親上手。歡愛萬年青。儂進百年酒。
大舟沙棠穩。小楫木蘭裁。楫小容人少。歡來獨自來。
歡著翠雲烏。朝出鳳山城。莫言沙岸濕。夜夜是多晴。

江千度佳節。歡來問儂船。端午歡見艾。中秋歡見蓮。
北赭風潮上。南龕雲雨忙。頭亭不可立。呼歡進儂艙。
避潮在何處。大小兩朱橋。悄語倚歡肩。大橋還小橋。
儂少阿母憐。爲佩黃金鎖。今夜待歡開。雙手挽歡坐。
莫燒博山火。但焚壽字香。秋夜留歡宿。香長夜更長。
煎茶止歡渴。汗透藕絲衫。歡知龍井好。不知江水鹹。

西湖竹枝詞

銀絲鞦髻碧蘭花。茜色羅裙百褶斜。正是清明好時節。
踏青齊喚水晶車。

紅珠翠纈灑流蘇。搖蕩東風似柳絲。湖上尋春年小慣。
登舟不倩女奴扶。宜風宜雨更宜晴。畫舫玻璃水樣明。別有
小舟載茶鼎。綠楊深處細煙生。牙籤香盒付雲鬟。小鏡隨身換玉環。花柳六橋春自好。
笑郎何苦上青山。真珠綻領入時新。桃碧輕衫閃線春。小袂芙蓉花樣巧。
不知繡製出何人。孤山峭石與梅清。落盡梅花更出城。碧草茸茸蒼蘚厚。

遮人緣屬不分明

杭俗喜著綠履

眞珠冤

後吳文節聞之鑄縣令職

錢江潮太惡。打入富春郭。郭外一吳儂。朝朝弄潮樂。
潮落見浮尸。慘然儂心悲。忍令江鼉食。撈波代葬之。
沐浴解衣裹。腰露眞珠顆。賣金抵葬資。益人無損我。
天道足疑猜。明珠是禍胎。拘儂來縣牒。讞儂珠何來。
讞珠要珠贖。阿儂吞聲哭。哭淚不成珠。怒儂珠藏腹。
撈掠儂不堪。朱絲畢命甘。可憐遺老母。少婦育孤男。
紅顏失所恃。抱男死江水。白髮恨無依。相從江水裏。

解七

解六

解五

解四

解三

解二

解一

江水去湯湯。沈冤何處償。富春白日少。行子淚沾裳。

解八

夜發德清

細雨連江長暗潮。吳羌山下泛蘭橈。夜深柔櫓不聞響。盪入前谿第幾橋。

蘇小小墓

誰築香亭護此墳。平夷海上。一將軍。弓刀小隊多情甚。寶馬停鞭悵夕曛。

辛亥年

孤山賞梅

梅○花○舊○與○高○人○伍○此○日○梅○花○春○自○主○蒼○苔○白○石○徑○寂○寥○
寒○夜○芳○心○招○鶴○語○白○鶴○竟○不○來○梅○枝○依○舊○開○東○風○漾○花○
片○吹○入○掌○中○杯○

宋○代○老○梅○今○幾○枝○冰○花○鐵○幹○多○披○離○宋○代○隱○淪○今○幾○輩○
寒○泉○秋○菊○馨○香○思○舉○盞○問○梅○梅○不○知○暗○香○搖○曳○黃○昏○時○
當○年○荷○鋤○明○月○下○此○日○競○賞○春○游○馬○士○女○昌○丰○踏○雪○尋○
翠○袖○銀○鞍○動○盈○把○六○橋○楊○柳○自○搖○春○孤○山○轉○嫌○攀○折○頻○
補○栽○誰○是○生○春○手○少○穆○先○生○冰○雪○人○我○來○不○見○高○賢○轍○
惆○悵○湖○風○吹○白○蘋○

林文忠任嘉湖道
時曾補梅孤山

洪子佳同年之官汴梁方子維餞別孤山卽席奉

贈

六橋煙柳含黃芽。茸茸細草生隄沙。方君餞別孤山路。
邀我同看山梅花。是日雲陰釀微雨。孤山路滑愁欹斜。
春寒峭料梅蕊瘦。古牆怪石紛攢拏。山水留人那忍別。
幽香縹緲林前遮。去年我初至西浙。蘆花灘上飛白雪。
置酒湖中秋氣清。初陽臺上看明月。今年春好君遠行。
未免辜負芳菲節。我亦離家里數千。蒼苔白石長沙邊。
一官匏繫來海上。湘南春草徒芊芊。差喜同人結遊侶。

詩歌酒盞相流連。君今佩印洛陽去。鷺嶺遙望愁遠天。
聞道洛陽花事好。牡丹二月春風早。滿縣花開直待君。
寶轂尋春休草草。金明池畔望京樓。請把杭州認汴州。
兩地相思杳無際。清波曲曲繞河流。

正月十日同宣聘候望雪吳山

海風從東來。飄雪滿吳會。寒光逼蒼冥。肅氣息羣籟。
登高心神開。飄飄似飛旆。城郭伏陽和。湖山浮佳靄。
愛茲清曠深。那惜旒衣帶。攜手出浮雲。頽巖絕塵壒。
琤琤爾何音。永條鳴古檜。流連竟忘歸。徙倚峭石外。

次日雪霽仍登吳山

朔來報雪霽。天放春風還。官居寡酬應。復登城中山。巖
草弄春色。青青有無間。殘雲掃餘凍。古石生新顏。蒼鷹
若自得。盤折出塵寰。碧海接天遠。滄江繞郭閒。登高發
長嘯。陽和回天關。明日西湖道。柳枝應可攀。

四山雪消盡。孱顏混天碧。隔江何處山。孤峯透餘白。初
疑浮雲生。層巖數千尺。那知是積雪。得日光轉赤。清拔
出蒼旻。高寒肅心魄。戕脣在眼前。西海不相隔。冷逼梅
花開。定有仙人宅。欲從無羽翼。中情徒脉脉。

同阮範書敖丹崖宴於飲淥莊

樓下湖水碧。水底雲影空。鱗鱗起微波。漁舟迷西東。春風爲誰來。入樓開簾櫳。仰見南屏塔。頽然如醉翁。勸我舉玉盞。山梅照顏紅。酒氣化雲霧。滿湖雨濛濛。

暮春之初于少彞水部將之嚴州招飲西湖朱莊之樓雲樓作詩紀游卽以贈別

桑葉初青揉嫩黃。梨花卷地含餘香。主人尋幽出城郭。探春招飲朱家莊。朱莊樓閣錢湖裏。四面青山三面水。登樓遙望南北峯。白雲童童峯中起。煙雨迷離三竺遙。

南巖玉女不可招。惟有孤山少雲霧。山前生翠紛柳條。
紅牆隱約寺可辨。芳艸綠過西冷橋。穿橋畫艇認三兩。
青篷冒雨雙槳搖。雨點波心似珠濺。碧葑深處金鱗跳。
湖光山色秀如此。樓中我欲留連朝。可惜君家難久住。
富春明日撐歸橈。七里灘邊釣臺上。未知風景憑誰饒。
人生行樂隨處好。何必歌舞西湖道。西湖雲水多清妍。
桐山亦有十九泉。繡嶺錦峯擅奇絕。子陵至今疑神仙。
雲山蒼蒼望不見。煩君寄我漁父篇。

湖柳

拋却靈和種水濱。西湖遊子惜青春。栽培早歲東君意。
搖曳情波故國身。翠黛有船貪倚岸。香驄無轡不驚塵。
年來張緒頻窺鏡。依舊臨風濯濯神。
西冷煙雨醉初醒。顧盼誰當阮眼青。陶令折腰羞吏俗。
謝池入夢仗詩靈。纏綿情性行宮繞。雲水生涯畫舫停。
繫住朝暉和夕照。敢將蹤跡恨飄萍。
湖上人家玉笛吹。長條弱縷儘垂垂。紅橋路曲應藏恨。
碧玉情多怕展眉。雨外乍懸沽酒旆。陰中還愛讀書帷。
祇今刺史無蘇白。誰向沙隄種舊枝。

已○覺○瓊○花○雜○絮○泥○且○籠○隄○岸○任○東○西○寒○梅○約○伴○春○同○漏○
細○草○留○人○路○其○迷○濃○惹○翠○煙○思○太○液○輕○搖○黃○月○撲○前○溪○
香○闌○樓○上○休○凝○望○淺○淺○青○雲○縮○馬○蹄○
水○仙○祠○畔○過○清○明○誤○認○杭○州○作○汴○城○翠○輦○昔○曾○遮○御○
道○青○袍○久○已○笑○儒○生○怕○聯○杏○葉○馳○香○勒○祇○合○桃○根○度○玉○
笙○他○日○煙○盟○更○誰○訂○薰○風○麴○院○藕○花○迎○
一○番○春○雨○一○番○多○不○盡○黃○金○鑄○此○鍋○舊○柳○已○輸○新○柳○碧○
裏○湖○終○讓○外○湖○波○那○堪○南○渡○頻○嘶○馬○儘○有○西○施○學○畫○蛾○
濃○抹○淡○妝○都○入○樣○慎○毋○輕○舞○日○婆○娑○

鵝黃滿擬染春衣。帶雨龍池願竟違。乳燕六橋銜絮到。
流鶯三月繞枝飛。王恭年少人應妒。枚叔風流世總稀。
幸有吳姬能壓酒。水亭終日醉忘歸。

畫樓掩映碧鴉藏。蘇小當年鬪曉妝。舊院而今空旖旎。
長楊何事抱文章。喜無攀折郵亭苦。未免將迎過客忙。
寄語湘南鶯燕侶。春來眠起總如常。

江干曲

妾家住錢塘。菱鏡窺湖光。昨來弄江水。畫槳栽沙棠。西
陵煙樹如紗碧。綠鬢臨風自珍惜。百蜨裊輕蓮步嬌。九

離釵重困春宵。見人不抱檀槽唱。獨倚薰籠弄玉簫。

偕李正農同年泛湖

西湖風光不借人。落花翩然辭青春。南風日日扇波綠。
楊柳鬱鬱含香塵。細葛輕衫出城去。煙青露碧留清晨。
不跨疲驢遊。但喚瓜皮艇。長橋沽酒舟中醉。九里荷風
吹忽醒。人間炎熱那得知。水底晴雲自高迥。葵蒲未動
如清秋。渴汲湖波當清茗。玉笛何人水上飄。梅花搖蕩
鬱炎消。及時行樂樂自得。不教華髮生蕭蕭。

早渡西陵

其濟駕輕舸。西陵趁早潮。江流吳會闊。山入海天遙。世
遠沙隄變。年豐瘴癘消。將軍不來牧。滿地種青苗。

登台州巾子山作

炎雲烈日到天台。試上巾山遠望開。古砦危依巖嶼立。
商船遙趁海潮來。地隣甌越民風獷。雨過剡溪駟路頽。
仙女桃花無處訪。招涼且自啖楊梅。

遊昭慶寺偶記

嘉慶初載甯波女史馮氏自繡花
旛五百不下樓者二十年繡訖來

寺懸挂矜艷炫當
時今已無存矣

入寺人傳馮女事。廿年壓線甬東樓。花旛五百今何在。

一片莓苔古佛秋

清漣寺觀魚

清○泉○空○復○清○無○魚○泉○不○活○玉○泉○西○湖○西○鱗○鱗○紅○撥○刺○掉○
尾○斷○霞○燒○鼓○鬣○腮○脂○抹○碧○泓○圉○圉○游○無○事○防○鰕○獺○我○來○
正○炎○天○照○眼○嫌○朱○褐○羣○魚○胡○炫○耀○自○矜○紅○韎○鞞○湧○流○噴○
紺○珠○啖○花○飄○絳○沫○寺○僧○備○麥○飯○飼○啖○供○客○撮○一○投○魚○競○
爭○繞○檻○泉○聒○聒○大○魚○匹○錦○穿○小○魚○赤○刀○脫○得○食○不○畏○人○
錙○銖○盡○搜○括○初○疑○魚○性○貪○當○胸○兜○繡○袜○丹○書○腹○中○無○金○
梭○名○強○奪○不○如○鯉○與○魴○小○鮮○供○一○割○繼○疑○魚○性○黠○濠○梁○

託曠達赤鳥比文章。飛鳶齊活潑。長依佛地泉。蓮花作
衣鉢。得所真洋洋。竟逃椒桂辣。杭城東園中。放生舊池
闊。東園有小雲栖爲杭民放生之所今年苦赤旱。水竭鰕魚涸。東海滴
波難。枯市徒感額。何如斯山泉。日夜流成溪。清淨刪荇
藻。香膏出蘊葛。羣魚此中游。何異栖華闌。水族究何知。
我言空嘖喝。非魚安知魚。鳥用相轆轤。忽聞木魚鳴。敬
來問菩薩。

浙闌中秋玩月有感

前年玩月瀟湘湄。去年中秋辭金微。今年杭州桂花發。

鳳○味○堂○前○看○清○輝○不○知○明○年○又○何○處○浮○雲○蹤○跡○隨○風○飛○
嫦○娥○含○顰○結○璘○笑○微○名○羈○絆○何○時○歸○東○海○怒○濤○撞○雪○皎○
西○湖○白○露○團○珠○圍○人○生○歡○會○杳○無○定○差○喜○光○景○常○追○隨○
舉○盞○薄○飲○不○成○醉○滿○庭○秋○霧○紛○霏○霏○秋○霧○霏○不○已○棘○闌○
桂○苑○涼○於○水○休○問○他○鄉○與○故○鄉○古○來○陰○晴○圓○缺○常○如○此○
闌○中○感○事○

曾○調○銀○管○譜○霓○裳○舊○序○頻○操○古○尺○量○慚○愧○翻○新○少○時○樣○
桂○花○一○曲○斷○人○腸○

紫○雲○唱○徹○廣○寒○遊○月○府○新○裝○七○寶○樓○不○逐○嫦○娥○偷○藥○去○

空留玉斧替人修

蘭浦楓江蕩性情。驚才絕艷楚騷評。祇因誤寫眠蠶字。

一幅蛾眉畫不成。

己酉主試批予卷驚才絕艷後因詩藝八月荏葦題犯蠶字抑作副車填

榜時梁矩亭夫子以爲有碍朝考乃易以他卷

愧攀貢樹出班行。喜接元方蕊榜香。一樣荆花開兩樣。

芙蓉何事怨秋霜。

家兄力常是科鄉試中式北上同行

號嘯

浙間謄手入夜常嘯一人唱聲衆棚響應晉之中亦復不減俗名號嘯謂是可以除魔

聽餘伐桂斧丁丁。又報蘇門阮嘯聲。鶴唳猿啼渾莫辨。

秋風總是不平鳴。

舟抵桐廬

昨日錢塘孤塔聳。今日桐山翠雲湧。山城幽僻重陽時。
紅葉黃花秋色重。飢鷹盤折寒雲開。水鳥出沒滄波動。
擎舟莫近嚴陵灘。慚余尚未忘名寵。

桐江歌

桐廬城南洲渚平。桐廬城東塔崢嶸。赤雲捲岸霜葉曉。
白浪齧石寒潮生。隱隱漁歌破江霧。渺渺風帆懸朝晴。
仙人高士今何在。坐對長江秋月明。

秋曉曲

鄰鄰碧玉秋波埽。羅襪淩波步霜曉。妾住桐江泛木蘭。
煙盟水誓長相保。芙蓉昨夜忽經霜。可惜紅顏水邊老。

書懷

桐江作吏最消魂。滿地蘆花烏桕村。微祿未能迎母養。
卑官何處報君恩。雲移三塔霜峰出。潮打嚴灘夜月
渾。欲買鱗魚秋已老。且看黃菊倒金樽。

登桐君山

石壁逼江迴。秋潮日夜來。白雲圍古寺。紅樹繞高臺。
海色吳天曙。山光越岸開。登臨無限好。不必羨蓬萊。

謁桐君

桐江潮湧波倒流。桐塔雲生古樹愁。桐山廟敞占諸佛。
桐君一龕香火幽。殘幢罽蛛網。土座黃塵浮。野人膜佛。
設蒲飯。山僧媚佛添膏油。桐君兀坐山門冷。蕭瑟綠髯。
含風秋。我笑神仙太高曠。轉疑位置殊未當。喬松枝被。
女蘿蒙。乾雀窠。將蒼鼠。讓仙人。有山仙不居黃石赤松。
多放浪塵心未斷仙路遙。我有一語聊解嘲。君不見今。
日官署多蕭條。主人退處日無聊。賓客充斥僮僕驕。

秋江夜泛

暮色蒼然入釣船。漁歌初唱露涓涓。寒潮落渚沙痕細。
明月橫江樹影圓。香芷難忘衡麓雨。竹竿聊破富春煙。
西陵風雨同心曲。愁聽吳儂已二年。

雪意

風飄黃葉滿槐廳。吏散人閒酒半醒。滿塢白雲天欲雪。
一羣寒雀噪冬青。

壬子年

紅梅。雙梅詠。梅在署東。虬枝鐵幹著花極繁。數百年物也。
偃蹇如醉賓。綠梅雅淡如高人。雪壓霜欺不相下。

驪紅淡碧俱青春。我到桐江少舊識。惟與雙梅數晨夕。
無言獨倚檐角看。夜月流黃曉煙白。虬枝鐵幹何人栽。
衙吏官齋肆攀摘。笑君託根太卑淺。傲骨香心真可惜。
幾度攜鉏欲移栽。年深舊土生碧苔。本無結實和羹願。
孤高懶更辭塵埃。相偃且慰朔風冷。得意齊向東風開。
脩到神仙居陸地。笑煞桃花落蓬萊。

到嚴州

出瀧睦州見江源。兩派分峭峰。明白雪。雙塔表青雲。地
是嚴陵隱。人傳范老勲。羊裘未敢著。天氣已晴曛。

人日送家兄力常北上

殘臘初相見。新春手又分。客中難作別。淚雨自紛紛。

江行風順喜作

江流向。下風向上。萬頃江心壯風浪。我舟乘風湧上流。
榜人篙子神俱旺。阿姨相助如有情。布帆無恙檣鳥鳴。
灘石累累穿箭過。青山倒曳春雲輕。朝發錢塘江。暮抵
桐君塔。桐州梅花招我前。水漲花枝與篷搭。欲折未折
舟已過。紛紛香雪飄。吟榻喜風送我早還家。惱風催我
未折花。吩咐花枝莫飄墜。明朝轉櫂攀枚牙。

桐江雜詠

繞郭煙巒潑翠成。春風暖送畫眉聲。阿儂未飲錢江水。
可似桐江一樣清。

明堂小艇。桐江舟名泊平沙。薄暮寒煙罩碧紗。纖手推篷看

月上。一江春水浸桐花。

洲上梅花山上松。春來香翠積重重。松聲不到扁舟裏。
只有梅花伴著儂。縣東有九頭松。又有九里洲梅花極多。

石級縈迴鳥道艱。燒香九日盡登山。桐君煉有長生藥。
肯把靈丹駐妾顏。

答宣聘侯同年詢桐邑

桐岡巢鳳舊堪誇。天遣清狂攬物華。秋老一江紅相葉。春深九里碧梅花。瑤林雲護仙人宅。繡嶺星懸處士家。兩岸畫眉啼不斷。蘭橈翠袖更琵琶。

謁嚴先生祠堂

清飲嚴灘水。敬拜先生祠。秋天薦寒菊。破壁多殘詩。布衣元英子。旁列馨香思。祠中旁設布衣方干位。千秋懷古蹟。清風飄吟髭。蕪沒山徑窄。巖峭雲氣奇。釣臺入絕壁。高高不可追。仰見石筍側。蒼松挺橫枝。

送阮範書之任天台

名恩洪文達公孫

行盡剡溪輟棹回。福庭華頂翠屏開。入山應被桃花笑。

不約劉郎獨自來。

藏石名山姓字傳。重來文達本神仙。於今剖竹孫枝去。

一路花驄飲舊泉。

文達撫浙時偕劉金門學使遊天台題劉阮重來於石

雲中端合種胡麻。近道千巖粟殼花。一律芟除留惠政。

莫教滋蔓毒烟霞。

去歲余遊關嶺頭。楊梅飽啖火雲愁。蟬聲此日催殘暑。

一路涼風桂子秋。

再贈阮範書

阮郎騎鶴揚州客。爲愛天台入甌越。可惜尋春春已歸。
雲迷洞口桃花歇。滿目瘡痍下手難。撫今未免懷先澤。
先人相國玉節馳。正值湖山全盛時。萬松嶺上探梅蕊。
冷泉亭下哦新詩。三竺煙巒金碧六橋楊柳垂瓊枝。
魚鹽尚擅東南美。泛海安瀾騁遊軌。至今湖上阮公墩。
碧草青苔趺珠履。二十年來變態多。桑田幾度起微波。
朱崖惡颶倏東轉。舟山飄沒濤嵯峨。罔象天吳紛邁迓。
鯨人泉客雕金戈。吞舟茹甲極恣肆。東方杼柚空如何。

邇來蜃市雖消弭。海鏡無復青銅磨。嗷嗷征鴻唳中澤。
宦游空歎銷金鍋。高牙大纛羣束手。牛刀小割其如他。
才人官卑原寫意。蜺旌敢復矜門第。且抱挈經堂上書。
低頭苦索前人義。一篇庭訓作官箴。承家清白誇廉吏。
明珠性耀桂根高。世途誰識青雲器。彈琴我昨海邊遊。
攜手同登第一樓。知君食德常懷舊。愧我操刀未有謀。
人海波瀾爭起伏。白雲湖上終悠悠。且向西泠沽酒去。
冷吟閒醉學江州。

題廖梓臣課耕小照

吾儒未暇藝黍稷日展犧爓占雉食謀道常巖越畔思
逢年敢詡耕田力胡爲青笠綠簑場丹青乃置君在傍
柳陰荷鋤日當午紫陌分秧初夏長白叟黃童赴東作
杏花卷地村路香壟耕坐嘯甘辛苦盤中粒粒爲誰嘗
君言昔客江淮地兩淮民力傷疲匱買新糶穀五月時
不以瑁歌佩璫昨來作宦遊臨安嘉湖又復形彫殘
連檣挾櫓轉漕運租吏索課排門攤南人種穀北人食
積紅朽腐空長歎爲問金張族果否能辨麥與菽日縻
天廚升斗祿農之家一食粟六爲問荷戈人果否能知

鋤禾辛。飛芻挽粟供雕輪。執冰坐食秋復春。此圖可異
邠風陳。晚種早移殷殷詢。楊繪勸農車騎屏。衡陽督課
馬蹄輕。古今一樣艱難念。素食誰甘三百困。我本瀟湘
一腐儒。自餐粗糲薄雕胡。瓊禾玉粒既無分。如龍冠蓋
誰前趨。覽君圖。增躊躇。買銳聲聲叫春霧。勸君莫讀歸
田賦。山城秧馬驚鼓鼙。且共坡仙武昌去。
時梓臣將由武昌返湘而人故及之

長沙信繁夜坐遣悶

時事今難說。高秋夜又中。一燈過早雁。雙柝叫寒蛩。淡

月○雲○流○白○疏○花○露○泣○紅○深○愁○洞○庭○水○波○浪○起○西○風○
楚○信○羣○來○問○家○書○我○亦○無○思○親○當○暮○歲○報○國○想○醅○瘴○
雨○應○連○粵○秋○風○獨○在○吳○排○愁○向○何○處○明○日○出○西○湖○

吳山玩月

開○盡○荷○花○懶○出○城○六○橋○楊○柳○作○秋○聲○家○鄉○千○里○烽○煙○逼○
獨○向○吳○山○看○月○生○

寫憤

小○舟○無○力○撼○蛟○鼉○欲○渡○雲○生○喚○奈○何○不○識○排○龍○樟○木○艦○
篙○師○底○事○怯○風○波○

初冬泛苕溪

小春時節暖東風。西上苕溪夕照紅。淺碧鱗鱗灘水涸。
蓼花搖曳打船篷。

曉過富春

嚴霜猶未下江樹。已先紅。獨有垂楊柳。青青隄上籠。燕
子盡歸去。寒鴉朝日烘。曉光破凝碧。江色仍空濛。渡口
遲行客。扁尾搖漁翁。炊煙遠村出。曖曖竹霧濛。欲問富
春渚。推篷引西風。蒼然霧一角。城郭虛涵中。漠漠長天
表。餘霞投征鴻。

聞長沙被圍書憤

粵西叢莽、夙有伏戎、而巡撫鄭文老病好佛、一
以姑息掩飾爲事、致慶遠思恩南甯土寇蠭起、
而花縣逆民洪秀全糾合馮雲山曾玉珩蕭朝
貴楊秀清韋昌輝右達開於三十年六月蓄髮
倡亂於桂平縣之金田村、上調固原提督向
忠武赴粵旋、命前滇督林文忠暨提督張武
壯往均薨於道、乃、命前江督李文恭爲、欽
差大臣、而以前漕督周文忠署廣西巡撫、會辦

軍務師行不利咸豐元年逆擾至貴縣武宣平
南入象州境二月命廣州副都統烏武壯幫
辦軍務三月李文恭病命大學士賽爲欽
差大臣賜以遏必隆刀由部庫內庫各發餉百
萬率都統巴清德副都統達洪阿侍衛開隆阿
總兵長壽長瑞軍機章京丁守存聯芳火器營
烏蘭都率京兵出都命鄒壯節爲巡撫四月
李文恭薨於武宣五月烏武壯敗賊於象州六
月賽相至粵敗賊於桂平之新墟七月又奪其

雙髻山八月破賊於風門坵已而向忠武失利達武壯與烏武壯不合亦小衄賊乃竄陷永安州稱僞號九月賽相移營陽朔十月烏武壯大敗賊於莫家邨遂合兵圍永安烏武壯謂賊勢悍猛堅忍不宜與戰宜開長濠以困之向忠武主圍城缺一之說以與之抗至二年二月十七賊果從缺處衝突潰圍戕我總兵長壽長瑞董先甲邵鶴齡走牛角徭山出馬嶺竄六塘墟以撲省城而我兵之圍永安者反在後烏武壯提

兵疾趨追及之受礮傷足陣亡省城被圍者三
十一日四月賊棄省圍走興安以攻全州都司
武昌顯力戰却敵賊以地雷破城闔城殉難并
焚壽佛寺全州踞湘水之上流若逆踪由永州
衡州進順流可達長沙時江忠烈從烏武壯軍
山繞出賊前駐兵蓑衣渡伐木爲堰伏兵西岸
擊賊舟斃僞南王馮雲山賊乃由東岸以趨道
州提督余萬青棄城走六月連陷江華甯遠江
華訓導歐陽復罵賊死之遂陷嘉禾藍山以撲

桂陽州知州李景詔李惠人中丞之子也。禦賊陣亡。二十九日城遂失。七月陷郴州。踞之。別遣僞西王蕭朝貴李開芳率悍賊二千人由永興茶陵醴陵以襲長沙。河北鎮王家琳率兵堵安仁。聽賊過不擊。時總兵和春常祿李瑞德亮俱尾賊後。七月廿七陝安鎮總兵福誠金塔寺副將尹培立禦賊於南城十里之石馬鋪。夜被襲陣亡。廿八日遂抵城下。始匆促閉城。長沙地勢東南高而西北低。南郭人煙繁富。官紳議修土

城以蔽之、本以衛民而不啻保寇、賊至踞其中、
我兵轟蕭朝貴殪之、九月洪逆全股繼至、穴地
以發地雷者三次、九月二十九轟缺奎星樓、參
將張協中槍陣亡、副將鄧紹良大呼躍殺、得保
全城、十月初二轟缺金雞橋、十八日又轟魁星
樓、俱堵之、不能入、我援兵漸集、繞圍土城、賊惟
西南可以渡湘水、先是有兵扼對渡龍飛塘、已
而撤去、賊乃結浮橋以渡、十九日解圍去、竄甯
鄉、入益陽、由臨資口擄船以渡洞庭、撲岳州、湖

北提督博勒恭武先三日棄城走岳州遂陷當賊之初至長沙也賽相縋城入憤甚日督責諸將勦賊已而改命徐廣縉各將官坐以待徐徐至湘潭不進總督程裔采又居衡州以居中策應入告不肯來湘湘中前署撫駱因有蜚語故朝命授雲南撫張撫湘龍飛塘防兵之撤人疑當軸以南城三次被轟困賊於土城中終恐急而致決乃撤是兵亦圍城缺一之策也然賊自困土城後由七月廿八至十月十九合八

十一日、糧藥已盡、新附者漸散、實不過萬人、賊
勢已蹙、失此不殲、一入長江、勢乃不可制矣。
蓄髮逆謀、深妖氛出桂林、連營猶自衛、狂寇已長侵。
虎豹縱橫勢、貔貅去住心、瀟湘秋月白、殺氣竟沉沉。
剗削吳藩後、承平二百年、烽煙一朝警、心膽萬家懸。
西寇氛初惡、南城火薄天、親丁三十口、遙望涕漣漣。
聞道今年夏、環城已浚脩、家書時慰我、遊子不應愁。
避地知何處、重圍豈至謀、高堂垂白髮、未慣睹戈矛。
愧我潘輿迂、遲遲志未伸、瘴防滄海厲、山隔白雲親。
螭

陸陳情悔。鵠原急難頻。此身非燕雀。羽翼插無因。
昨變旌旗色。應能解此圍。城狐祛內應。野兕挫先威。
戰守機宜慎。遷延役已非。釀成癰不決。此咎竟誰歸。
春暮全州失。蠻煙接楚氛。湘流無急浪。潯上有雄軍。
何事嫖姚月。長連岫嶠雲。不須矜福慧。壽佛劫猶焚。
防水窟山。郵櫓槍。指道州梅炎。添暑瘴竹。淚動離愁。
旁掠藍溪。涸潛探桂水。幽材官執水。玩狐火。夜深篝。
我友歐陽子。同攀貢樹春。選官纔秉鐸。挺節竟忘身。
升斗知非志。詩書且報君。東風聞杜宇。此後總傷神。

纔報蓉山失。旋聞橘井傾。秋風生殺氣。十日陷三城。獨
有青蓮族。能捐白刃生。國殤真不愧。老淚莫縱橫。
柳水去長沙。郵程六百賒。城空惟宿燕。幕捲總棲鴉。偵
報銅丸絕。嚴關鐵牡斜。似聞河北鎮。陣解避盤蛇。
銅馬往來輕。難將奏牘呈。馳驅多問道。收復總空城。退
保謀先決。居中策有名。熊湘根本地。諸將漸移營。
弓滿彎秋月。濠平隱地雷。軫星光閃爍。雲麓勢崔嵬。紅
葉牙旗颭。青楓畫角哀。相公憂憤極。冒險入城來。
莫道前車覆。誰知易將難。長途馳馬戀。恩澤寶刀寒。天

祭○供○裘○費○輜○糧○佐○鼎○餐○昭○山○無○限○好○緩○帶○且○盤○桓○
蜂○蠆○時○分○台○關○山○聽○去○留○窮○追○來○百○粵○震○伐○已○三○秋○鄂○
渚○愁○雲○起○瀟○湘○入○漢○流○邊○憂○成○腹○患○何○處○扼○咽○喉○
未○報○南○疆○靖○長○懸○北○關○心○君○王○今○減○膳○戍○役○早○沾○襟○
霜○重○凋○戈○枕○秋○深○萬○竈○陰○鄉○情○和○國○計○遊○子○并○哀○吟○
路○遠○音○難○確○愁○深○氣○轉○豪○米○鹽○荆○楚○富○組○練○武○溪○高○小○
醜○無○難○殄○偏○裨○莫○告○勞○捷○書○馳○奏○日○拚○醉○武○林○醪○

點兵行

駿○馬○不○在○閑○驚○馬○盈○天○阜○日○夜○莖○香○其○雕○鞍○裝○七○寶○七○

寶空煌煌不堪馳遠道。風沙未夙嘗。何況金鼓擾。
寶刀淬鵝膏。蛟鞘浮珠光。抽刀未殄賊。血流手已傷。古
人學劍術。乃敢衝魚腸。殺人非刃殺。繞指生秋霜。
金注日以拙。瓦注日以巧。壯士射白額。拚與白額飽。自
顧草芥輕。氣薄雲天杪。富貴千金軀。孰櫻虎狼爪。將軍
愛惜深。狂寇日慄倭。

太白出東方。金風扇秋夕。遠攻利火具。近殺練矛戟。不
姻搏刺法。百鈞舉何益。昨日鼓鼙喧。兩軍相逼迫。同隊
四五人。妙手矜霹靂。霹靂聲未鳴。賊騎旋凌藉。鉛彈有

時盡烏獲空咄咄

他詩集

昨次五里堠。今宿十里亭。驅馬向前去。馬戀秋草青。馬戀猶可策。行行牙齦停。齧停白日暮。楚帥醉未醒。駟前催援書。插羽如流星。

客將何太豪。索酒更索漿。客將亦非豪。性命難具量。沙場幾人返。中途聊輝煌。水行排巨艦。陸次薄芻糧。農夫沿路捉。背負梨花鎗。縣官休咄咄。我行正蒼黃。南登回雁峰。遙望桂林樹。蒼梧雲正愁。遮斷往來路。湘水去潺潺。征夫不敢渡。戰期日以緩。歸期日以誤。寄書

還故鄉應作長年戍。

十五負弓弩。二十操蛇矛。三十綠沈鎗。怒舞熊羆愁。四十發巨礮。煙漲烏雲頭。五十氣力減。據鞍羞驕驍。博得都護歡。部牒名字留。昨聞點行頻。耿耿心煩憂。但去不。必憂不戰賊即休。

壯兵已前行。羸兵不堪使。軍書絡繹催。調兵趨漢水。漢水入江流。江南愁霧起。濤飛萬里長。處處築深壘。防堵何時休。調遣何時已。將軍猝不樂。出金募壯士。壯士補缺額。踴躍試新技。自慚游蕩人。未慣操弓矢。

悲橘州

哀汴兵也

德游集

西風捲水瀟湘涸。血色丹楓愁霧閣。勸君莫上城西樓。
樓下寒霜飛白削。洛陽義士千餘人。虬鬚紫面神不春。
渡河殺賊扼賊要。孤軍蹴踏橘州塵。塵飛蔽天驄馬怒。
紫韁苦勒馬不住。窮追直搗薄上洲。狂寇如潮忽回注。
分兵抄我我陣斷。倉卒首尾不及顧。鼓鼙聲絕寶刀折。
慘慘寒風拔江樹。昭潭突湧蛟龍愁。萬頃玻璃化碧流。
征人已暴炎荒骨。戍婦空思明月樓。

降虜詞

歎失機也

長沙戒嚴日。賊踞南郭城。我兵繞郭圍。三面逼其營。惟
西可偷渡。盈盈湘水清。湘水深且濶。妖狐殊錯愕。對岸
堅扼之。舟梁何處託。況來降虜詞。操刀在此時。殺虎及
其餓。殺賊及其饑。叩頭啟將軍。將軍醉未聞。但盼解圍
去。巧奏邀奇勲。奇勲日以隆。賊勢日以肆。釜魚不肯烹。
腥風漲天地。

潮州勇 歎不成也

髮結大如拳。剽悍潮州勇。金風殺氣來。湖湘口洶洶。出
隊棄盔甲。赤體裸民種。平生慣械鬪。海瘴鼻息湧。募集

果何人。搜掠黃金擁妖氛。未翦除。原野增騷動。將軍豈
不知。隱忍留蠛蠓。裁汰失歸宿。變亂不旋踵。艱危自古
然。父老莫深恐。